

悅  
親  
樓  
詩  
集

悅親樓詩集卷二十七

起甲寅正月至六月

海寧祝德麟止堂

古今體詩七十二首

寄玉厓兼示泰庵

和寧井序

玉厓觀察建昌自己酉秋一通書問闊絕至今昨  
使至欣喜過望及發函檢視則朱提四流并近刻  
魚通集詩寒王山房文稿二冊反復尋覓並無隻  
字道寒暄慰離索因肅蓬使而進之次第詰問乃  
得戊申已來軍營情事蓋玉厓自巴勒布不靖卽  
奉檄駐打箭鑪籌辦軍精首尾垂二年繼以廓爾  
喀滋擾衛藏王師聲討君綜理郵傳饋餉往來

察木多拉里諸險隘去前藏蓋不過千里矣今大  
功告藏

天子旌其勞錫戴孔雀翎回成都隨大府覈實軍需其  
詩文皆軍務餘閑瓊廬鞍馬所成書之有無姑勿  
深論近和秦庵方伯擢內閣學士加副都統銜乘  
驛駐藏經理善後事秦庵者君之同榜進士亦余  
辛卯所錄士也二三良彥或効績疆場或宣威藩  
服於通門與有榮施特毛錐衣鉢疇昔之歲不知  
作何傳授旣以自笑又以自慶於其使之歸也不  
可無詩以寄爰作七言古體一篇時甲寅正月十  
日

神鼉峯前一夜雪軍將打門聲不絕云有鼉鳧使者來  
故人新向成都回走倅致書相存問驚喜欲狂忙索信  
整冠再拜發封題不見雙魚見裹醵要問筒中何所有  
磊落魚通詩百首古文時藝復聯翩盡出才人著作手  
萬里迢遙一寸心不可無書寧無金古云千金抵一紙  
況復五載音書沈急呼使者訊端詳知君七十猶康強  
自從軍興贊猷畫山川險惡程塗長丈夫功名有時會  
九折邛崃安足怪身到中華界外天詩吟淮蔡軍中派  
馬騰士飽戔弓刀千里郵亭管轄勞資糧屏屨百無闕  
據鞍矍鑠邊風高書生豈有封侯命且作饒歌諧競病  
貂蟬終見出兜鍪霜鬢花翎相掩映更有旬宣分陝人

驅車佛土護金輪材兼文武門牆寵杯酒相逢話苦辛  
而今歸到浣花溪早是天河洗甲時幕府仍參嚴僕射  
烟波可慕范鵬夸病夫早辭塵網罟飄零書劍閑身在  
久客吳淞轉似家官人劍外何時退君心盡在不言中  
我夢飛揚逐塞鴻萬樹垂垂梅正發一枝攀折寄東風  
飛鴻堂古梅花下偕徐復園彈琴

寒梅瘦在骨素琴高在韻梅不住肉山琴不傷脂陣冷  
峭詩似通清談人或晉梅方揖之入琴亦隨而進飛鴻  
堂後樹奇縱甲一郡攜朋坐其下蜂蝶不敢近東風一  
樣吹中有太古信却憐荏苒姿鐵石變柔勒綻蕊打人  
頭纖條掠我鬢爰呼綠綺來迭奏不轉瞬好從韻悠揚

彈出骨孤峻指法不嫌老花枝不覺嫩翻疑邀笛步舡  
請桓伊趁是日卽奏梅花三弄老梅亦所然曲盡花欲褪

甌北先生書來約往鄧尉看梅以事阻滯恐花  
信已過遂不果遊擬於旬日後赴常修謁詩以

### 先之三首

銅井銅院香雪堆頻年花向夢中開閑身久已甘輿筭  
佳興兼逢約探梅與長者期寧敢後聞先生召卽應來  
只愁往返程迢隔黃鶴樓偏玉笛催

泰山旄敦迴難侔許推排可出頭覆瓿文招僖父笑  
借緘書向故人求敢期聲譽相標榜自有情懷暗契投  
一卷能傳榮令僕或憑牙頰也千秋

先生每書來繆譽拙詩許以必傳未

免獎借太過  
故婉答之

往歲停橈叩草廬顧塘橋畔老坡居

先生家顧塘橋比鄰卽宋時孫氏宅

坡公所嘗寓居者也

已經息壤言要後

前年造訪會訂歲歲往謁

況值清漳病

起初帆有好風吹便去地多舊雨盼非虛

謂緘齋立却庵諸子

嫌無酒門前載轉累元亭費麴車

贈汪八研香郡丞

廷昉二首

官居吳郡足風流仙吏詩家譽並收肆應才能當八面

長吟志亦在千秋中庸伯始堪咨事諧譚東方善解愁

臨汝門牆人似海問誰鱗甲鬪蛟蚪

君爲隨園高弟

羽觴傾倒臘醅濃昨歲金閨喜再逢才子例緣司馬著

通懷偏許野鷗從朝攀幕府門前戟夜聽寒山寺裏鐘

五十服官途正遠願君王體比喬松

花朝雨霽崑山道中作二首

風雨不出門歸田可自主出門風雨作雖智能逆睹昨  
朝遇石尤篷牕兀聽雨豈期帆脚展今日遽如許不但  
阻滯程十可八九補篙工坐嘯傲未識操舟苦大凡快  
意境亦視其所取苟從艱危得一倍加鼓舞遭際不可  
知暗中有區處賦芋偶四三眾狙莫喜怒

出門有所求觸處盡蠹蠹出門無所欲何地非風月我  
今澹遭泊興到足輒發扁舟去尋芳兼向師門謁梁溪  
路匪遠計日帆檣達轉恨節令遲春意未開熱雨餘新  
水生一江波滑笏雞聲出邨樹虹影接城闕崑山聊小



泊正欲弄詩筆忽聽舵樓言今日花生日

常州連雨畱湛貽堂六日緘齋立庵劉存子莊  
亭叔夏番治具排日招集飲饌之美甲於他郡  
臨發呈甌北先生并別諸子二首

藝林赫赫震詩名師弟相關有至情倚杖望舟經十日  
連宵侍坐必三更幸從槃澗分餘福未要荒莊報此生  
公年來生事頗足但願白頭門下士年年來奉履綦清

暮雨瀟瀟喚奈何天教畱我且婆娑五侯賸勝誇鯖味  
三雅排連喝酒波樂事盡子忍切容閑客領故人唯有此

邦多不殊日下車輪會可便因風想玉珂京師僚友夏

會車輪

遊靈巖畢氏園至天平中白雲小憩日暮不得  
訪支側法螺諸勝

匡居不耐嬾春色況掩映青山爾何心招引遊人興  
扁舟指木瀆野望幽且復篋輿遵修衢漸入采香逕  
萬松所聚處鬱鬱蒼鱗迸下有畢氏園獨踞一山勝  
小橋何窈窕迤邐接苔磴入門百株梅殘葩三五  
牘紫紆歷危厂芭屢愁踰蹬亭臺置錯雜池沼出  
渟渟每逢山腰轉灑灑泉可聽脚隨崩崖欹身逐  
飛翰輕前有御書樓榮光燭斗柄後有阿母祠  
經訓垂侃侃孟簡書昔歸里曾共敲鞭韁茲乃  
王官谷生藏學表聖國初爲秋帆制府生壙今壙已別遷  
具臺沼之高下即巖壑高下規撫雖嚴具粉本未商訂  
何年復經營生

面開莊觀湖湘建旌節掌握蒼生命幾曾見落成佳日  
恣觴詠轉令裙屐徒載酒年年盛發鶴不敢怨草木憑  
人敬好觀枝頭花停蓄東風聘準待致政還妙句自題  
評倪仰感今昔安得同遊更不須久臨眺逸興正豪橫  
興丁共採獲細路木末競雲根似伏虎——道旁燈丸  
折遠巖椒豁豁然寺門淨箭河直如矢具厠棚於鏡蒼烟  
撲眉宇對面雙鬟並展盡遊目天未曛那鐘磬遂從山  
背繞嶽嶺紛來迎儼如韓嫣歸百兩縱娣媵又如蔡邕  
會書命約曹鄴陟降一經微招呼四山應姑蘇羅綺叢  
城市紛華併眞宰繁黠覩於此緒胎孕雞籠形旣肖筆  
架名亦稱遙瞻天平峯卓立態端正孤亭嵌石窟欄楯

劣可凭足力雖告疲目光猶不定白雲沾衣袂林壑赴  
重平聲暝道逢油壁車肩摩織緯經靈境無盡藏焉能窮  
究竟且與沽郢醪相將理歸櫓

虎邱絕句八首

斟酌橋邊泊畫船碧桃帶雨柳拖烟分明曲水江頭路  
更有誰噀莫近前

窈窕丹梯接綺寮玻璃面面月光描仙人未必耽居此  
合號迷樓貯阿嬌富貴沈某於山塘建樓窗牖盡飾玻璃前後數十楹曲折可通

竹几蕉團色色工奇淫妙手出玲瓏羅睺滿市皆兒戲  
倔強偏存不倒翁

地爐烘出牡丹芽三月春光頃刻賒却與寒梅並羅列

眞花不愛愛唐花

秦娘攜上木蘭舟鎮日招搖泛碧流只有快船無快馬

大家齊放水轡頭

轡依方言讀如丕

法護東山廟祀長神祠仙館未全荒五人不識眞娘面  
俠骨嬌魂一樣香

五十三參拾級頻看花都看看花人金仙亦墮繁華夢  
笑坐蓮臺過好春

虎阜名花鶴澗波年年閱遍冶遊多生公臺畔清涼月  
依舊黃昏挂碧蘿

麗川中丞招飲節署卽席奉贈並呈簡齋二首  
京國分襟閱幾霜偶陪勝集讌華堂詩如雪藕玲瓏孔

人似冰輪漱灩光神女仙郎佳眷屬

是日出其子女羅拜仁山知

水小滄浪

時方修葺後園舊名小滄浪

好官座上無銅臭優賞泉刀

亦古香

簡齋以古錢數合餉中丞

六日毘陵盼鶴飛傳來消息事偏違雨深送我桃花浪

風急畱君燕子磯

余在常久候不至

到處賓筵餘雪爪最難開

府詠緇衣壽星卿月相輝映萍水遭逢此會稀

甲申冬歸娶事畢奉母北上富莊驛旅店見夢

樓題壁詩遂次其韻郵亭塗抹不復存稿事隔

三十年久已忘之蘇州湖舫遇汪蘋洲司教忽

爲余誦此詩蘋洲爲己丑進士詩蓋其計偕時

所見亦廿五六年矣棖觸前塵感荷記憶口占

二十八字

原詩云侍從瑤階東帶新牛歸會爲  
采蘋人板輿今日親扶掖驛路荒寒

盡是  
春

茅店題詩句未工姓名豈有碧紗籠却煩說項人傳誦  
尙在春宵一夢中

途中偶詠二首

江邨藩溷亦風華小著茅檐三兩家豕欄牛欄俱入畫  
半依修竹半桃花

誰識東皇發育恩春風吹處了無痕百花似亦論行輩  
開一番時遲一番

研香屬題稻香圖二首

桃花潭水送行時手把丹青口索詩絕似歸田圖一幅

箇中清味讓農私

樂在官心苦在農爲官那復恤農功豈知望杏瞻蒲意  
早入書生閱歷中

送樹齋軍門入覲

毋以公歸道路譴堂堂劔履入長安定知蕃錫康侯馬  
依舊高標上將壇

君父恩深瞻就切弟兄情重別離難千行練甲齊懸盼  
不獨迴腸逐去鞍

偕寧圃宴餞樹齋於柰山之王氏園適隨園老  
人墨莊檢討繼至遂拉同遊

澄湖霽色明鮮颺淑氣扇遨遊當及時春光已如線王



園既窈窕奈峯亦婉孌方舟恣容與足以展歡讌紅彫  
千樹桃絳抹萬畦茜節序任遷流青山不改面元戎將  
輯瑞太守盛祖餞詩翁鬢眉古詞客文藻爛懽悰固邈  
迨離思益輾轉嗟此座上人詰朝各雲散

題女史駱佩香秋燈課女圖

寡女絲彈素月幼婦絹揮彩筆冰者心玉者骨秋夜長  
油鐙渴彼嬌雛依鳳膝停鍼蒔開卷帙雁叫哀蟲吟唧  
伊唔聲相閒發孌似女受書日翁指講習詩律

女史能詩幼從

其尊人學

瓦檠火半明減記此境猶髣髴史書華經書質無

兒傳待女閱宣文君本閨闈進士科有不櫛東家貴燭  
泪潑西家富笙歌咽蕉窗涼梧院潔景淒清寥天一柳

絮才柏舟節惇史言彤管述

吾鄉村落間多竹林背屋面河竹外朱藤往往  
攀喬木而上盤旋天矯花時盛觀然木之受困  
者多矣舟行所見感歎成篇

與汝遊兮河之渚柳港竹園迷處所空山一夜走雷霆  
老龍伸腰瘦蛟舞人家庭檻張棚格引蔓牽條平似席  
未若斜橋曲岸邊樹作主人藤作客忽然喧客奪主人  
藤兮樹兮併一身樹亦不知何所爲滿身纓珞垂紛綸  
龍門之材梁棟器上可干霄下拔地樛木無如葛藟縈  
女蘿苦向喬松施年深束縛樹亦僵藤尤跋扈柯條長  
似忘根株出倚傍居然意氣誇揚揚繁花煥爛空中布

觀者見藤不見樹誰將正直好扶持免使妖邪暗攀附  
吁嗟乎不扶自直蓬處麻連理交讓厥德嘉黃緣爾性  
等虺蛇況復入室操利戈吾欲斧之手不柯且待饕風  
虐雪枯榦倒爾亦離披逐蔓草

還葆光居二首

春深草木長柔柔翳南陌扁舟繫柳岸遊子返故宅開  
我西閣門步步踏陳迹已過牡丹期殘紅紛狼籍檐楹  
雖欹側棄去殊可惜且當理荒穢暫此憩晨夕  
有情歸故鄉樂觀熙熙景那堪值米貴二麥況焦穎年  
饑糠粃香地僻荏苒警孤惻復幾輩造我多干請深慙  
服官餘無力惠鄉井對食起長歎欲嚙喉先噎

看蠶詞十首

柔桑纔茁鞠衣如已是紅蠶浴種初十廟燒香完願了  
優停女伴踏春車

黃符紅帖慎周防生客休干禁忌方匝月柴荆無吏到  
告條官府放蠶忙

曲房密室警巡嚴塙竇先驅鼠輩潛曉起攤烏初日底  
綠槐深柳蔭蘆簾

蠶初生如髮篋盛而桑之謂之攤烏

雨葉牽繩戾未乾剪刀聲裏曉風寒安心只念蠶飢苦  
莫作羅敷陌上看

網底更番爲替沙

蠶矢曰沙出沙曰替

停勻新葉遍交加最憐雲

霧聲堪聽似與文人鬪筆花

乍過頭眠出貨全一眠一起歷三眠不愁葉貴蠶偏好

早有鄰船去販鮮

一斤一眠後謂之出貨以秤稱之每蠶一斤萬當十倍葉購自他處謂之販鮮

紫山烤火鳥頻啼草簇排連一翦齊暗向紅爐添獸燄

挂來如卵繭高低

蠶宜暖以火溫室謂之烤山紫山烤火鳥名也其音似之蠶時則呼

纜車軋軋不停機照眼光明白雪姿蠶罷已交端午候

可憐三月賣新絲

大姑畫眉纖且柔小姑畫眉闊且修今日新蛾試比似

爲蠶一月不梳頭

白葦與儂作璘藉黃金與儂作腳躑舊織成匹匹錦繡

段自家可有寒衣無

送吳侯有序

海寧於乾隆癸巳陞爲州其初爲縣余生五十三  
年來所聞治斯土者惟山西金君鰲福建曾君一  
貫咸有循聲惡績可紀曾君去越二十年而吳侯  
來逾歲以病免侯名嗣湖字景五粵之瓊州會同  
人侯下車日金方病臥雲閒明年春兒輩應州試  
侯拔志箕冠其曹而裘亦倖預前列余初未識侯  
也知遇之感在兒輩余不與焉然鄰里之來松者  
述侯善政嘖嘖不去口凡其鋤盜賊平獄訟崇文  
教薄賦斂各有明效大驗言人人同余始心敬之  
及十月余病閒而侯已去官矣亟買舟造訪侯所  
患謂之鶴膝風不能履延余至榻前握手如舊相

識言貌古質有儒者氣象諦視闐闐蕭然無長  
物其所施衾褐帷帳惟練布弋綈退而歎曰嗚呼  
侯之清德若此豈尙有擾民之政哉聞侯之初尹  
蘭溪也其夫人績泉織屨以佐公使錢余雖未嘗  
以是質之侯第觀其自奉之菲薄則其刑于之化  
可知矣然則爲親民之官所以致百姓之愛戴者  
必非無故也侯館寓東城候代將去邦之搢紳魁  
碩以及新進受知之士莫不作爲歌詩申眷慕之  
誠致攀留之意侯亦戀人之輸情悅人之嚮義賦  
五言近體詩四首以畱別部民余忝舊史氏導揚  
休美諷諭有位職也旣成四言詩一篇復爲之序

云其詩曰

蕩蕩海邦實維陞州誰其奠之東粵吳侯侯去民悲侯  
來民喜守土者多民惟侯臚臚侯之明不震不驚出其  
肺腑以決獄情臚侯之儉攻苦食淡宵然瓦檠冬施竹  
簟蒸蒸錯薪有楛有榛舉翹擢秀臚侯之文朝堂暮門  
辰告午論案無滯臚侯之勤自侯戾止外戶不閉稂  
莠之敗化爲穎穰自侯戾止無詐無僞吾儕小人仁衣  
禮被斥鹵之鄉俗尙多剛柔以劇之嘉惠孔彰道之柔  
矣民之由矣政行令從如水流矣嗟嗟吾侯吾父吾母  
何以報之公堂春酒天不福民侯乃遘疾厥疾弗瘳是  
曰鶴膝民相驚告奔走壇廟奉牲薦幣呼籲祈禱侯召



父老曰汝來前殆余不德致罹禍愆余難治民退而思  
咎遷我妻孥上我印綬民挽不來齎咨涕洟莫心匪旌  
莫口匪碑簞攜疏食壺載卮醕願侯少憩毋速其馳芒  
芒九州千品萬式誰無令尹循良難得  
天子愛人上官樹德還我使君侯其保嗇

題徐薌沙

祖鑑

江浦送歸圖

人生蹤蹟無遠邇不見便同千萬里登臨況復送將歸  
黯然銷魂別而已薌沙學博清妙才手把苜蓿豐宮裁  
堂前生徒受經籍閨中伉儷拈詩脾往年丹徒駐琴劍  
江山落手身何欠憂喜朋簪盛唱酬且從藝苑開壇坫  
文章氣詒各超超相約相尋暮復朝有時濡臺仿海岳

有時載酒探金焦，  
渴來瓜熟抽身去。  
一擔輕裝畱不住，  
那數長亭更短亭。  
送行送到山窮處，  
江天漠漠疎林缺。  
惟見帆檣半出沒，  
轉似清官去任時。  
攀轅截鐙遙情結，  
臨歧分手欲黃昏。  
送者歸來但掩門，  
伏雨闌風京口驛。  
坐看燭泪瀉殘痕。

薌沙室人莊磐山詩才清麗，  
昨以所刻翦水山房稿見示，  
并爲織雲女史求題畫冊。  
旣以塞命，仍作七言古詩一篇，  
寄薌沙，藉以答二媛也。

雲間世族多閨秀，  
磐山織雲雙領袖。  
偶向長空散絲霞，  
月娥清女嬋娟鬪。  
織雲清心映冰玉，  
天與其才不與福。  
中郎有女業雖傳，  
織雲善繪事，工詩爲廖古檀明府女，余與古檀曾相遇於京師。  
獨抱

雲和奏黃鵠磐山窈窕貞不字選壻十年得徐悱

磐山三十

餘始通

綠牕妝罷對拍毫黃絹吟成同擘紙兩家姊妹

各分行心賞都緣翰墨香調粉待僂描蛺蝶挑絲替汝

繡鴛鴦清芬雅韻真堪偶名譽流傳眾人口惹得江東

八十翁特買扁舟泗涇走

纖雲夙受業於隨園近

泮宮

先生意亦顛邇來偕隱堅辭官自喜伯鸞眉有案不妨

鄭老寒無羶昨朝示我芳閨集句裏松風鳴習習曾經

湖海老詞人手爲題評定篇什

稿爲夢樓選定序而擇之

一語殷勤

重寄將撚髭覓句要商量不見閨中有畏友莫教道韞

詢王郎

纖雲倚石看梅圖

寒梅瘦石著身孤風味人閒世絕殊只道山中高士景  
披尋却是女郎圖

題九齡童子畫

人方覓梨栗弄筆爲丹青云是張童子問年纔九齡山  
川豈模範一悟識百靈欲得昌黎序試教攻六經

送胡郡丞

鵬雲

舉薦入都并寄在京同年二首

上官精鑒慎吹噓似爾纔登薦達書羣以老成推宿望  
佇看太守拜新除林巢杳杳鴻飛罷

君早有退志

達路平平

音驥展初早晚

大廷宜召急熟梅雨裏走鋒車

尋山每放米顛舟一到吳閫優款畱尊酒劇談頻跋燭  
館門申禮數停騶送君轉惜輕離別得句何時重

去聲唱

酬倘遇同年相問訊爲言只著畔牢愁

送寧圃秩滿入覲

門外驅歌促綺筵松江太守去朝天恩膏所被經三

郡

君先爲常  
州江寧

行李相依閱四年但有新詩互商訂偶逢

小別亦流連今朝楊柳津頭送一寸柔絲一寸牽

樹齋去後自蘇達淮凡三惠手札繼繼之意感

荷弗勝因寄二篇

浦光汎孤月風響鳴眾林行人日已遠居者暗沈吟以

我思君意知君憶我心豈期連日夕三拜瓊瑤音

送君春未邁倏忽南薰移尺素不盡言報章空爾爲河

壘發軔日淮浦卽帆時經遊此路熟除是夢相隨

皇甫林郎事 俗訛廣富林

駕言出西郊遂至皇甫林輕舟颺容與鳬雁同浮沈茲  
地僻且阻徘徊愜幽尋陂塘涵明漪烟蕪開曲潯翠微  
三五點黛色來遙岑邨落百餘家蔭以喬木深水田畫  
方郛剡剡抽秧鋤二麥亦已割積藪如布金農夫盡力  
作不待田峻臨婦子餉家釀息勞隴畔斟睹此淳樸風  
榮利安足歆務本願易周紛馳力難任於此卜鄰住庶  
忘暮景侵遲世尚可託承平況似今寄書告沮溺我已  
投朝簪

莫愁湖櫂歌十首和李松雲太守

李松雲字子中 潯此湖潯日

憂去官

南朝紅粉久成灰  
碧水侵尋沒草萊  
不與莫愁帶瓜葛  
干卿何事又重開

首似飛蓬鏡未張  
無端膏沐出新妝  
阿侯耶倘重經此  
笑道瘦妻面復光

葑菱如海一朝空  
曲榭長橋位置工  
怪得王維能結構

輞川粉本在胸中

王石長司馬  
督理工役

銀屏珠箔鬱金堂  
十五盈盈淺淡妝  
自與盧家爲少婦  
雙棲不羨野鴛鴦

湖是中山博進錢  
萬春園已早啼鵲  
可憐襄鄂陵烟像

還與嬌娥影並懸

湖舊有廟供中山王像近有華  
生者繪莫愁小影懸之樓壁

十里長隄草色銜  
郡人風浴試春衫  
明年便合添遊舫

牙作檣竿錦作帆

好栽菱角好栽蓮  
桺未成行綠意先  
桺學蛾眉蓮學臉  
弓鞬還要圖春妍

蘇白雙堤以姓呼  
甘棠李渤署非誣  
倘依僕射郎官例  
徑合稱爲太守澗

樂府流傳偶寄情  
洛陽城又竟陵城  
莫教考据家援筆  
多恐紛紛把地爭

平生足蹟未經過  
也復隨人作權歌  
甚欲去爲湖裏客  
傷春懷舊恐愁多

題注秋白 大經照

至人之息息以踵也  
通人之靈靈以孔也  
崑山之陽澹



沱容與誰爲寓公唯予與汝衣巾落拓面貌臞古氣傲  
烟霞韻諧律呂坐笠澤之春風聽蕓湖之秋雨不知者  
以爲郊壘何準之倫知之者以爲志和天隨之侶

哭雷峯一百韻

茫茫九域內縮地無良圖子旣爲蜀產我復生東吳吳  
蜀風馬牛何自聯襟裾却怪浹洽意偏同叩駟驢不隔  
萬里心只隔萬里軀汝軀旣隕滅余心當何如憶麟少  
賤日以文謁當途受知於太公目爲魯璠璣春臺有二  
妙謂余及秋漁曹衣食賴賜給聲名借揚揄菲材倖鄉  
薦子亦茅連茹忝爲同歲生北上偕公車弱冠初出門  
未識燕齊塗往還荷引翼旅食無所須淒涼遊子裝不

復知苦茶豈唯兒不知阿母慰倚閭是時雖報罷庭闈  
多歡娛兩家有大母年俱八十餘上堂具甘旨跪拜相  
起居太公觀察使烜赫流頤膚汝方依子舍威鳳棲高  
梧生徒盡彭戴賓客皆史遷傾倒金鑿落歌舞紅氍毹  
烹羊臠鳧雁擊鼓吹笙竽每逢嘉慶辰余必厠座間班  
行何秩秩顧盼真愉愉明年文戰捷余與秋漁俱遂請  
歸娶假辭闕還其家叶君聞大歡喜扁舟指敝廬埽  
室下塵榻牡丹花正萼羹湯闕中饋阿母親庖廚家貧  
乏精饌剪韭炊雕胡邨醪雖云薄一飲累百觚陋居從  
者笑流連信宿逾邀我上杭州館我屋渠渠却逢臨安  
守王夢樓假道攜妻孥知交通縞紵姻眷綰劉盧周旋

二子閒實余爲良媒時吳山遊不足相約泛西湖畫船  
蔭楊柳酒殘澆芙蕖但恨長夏日容易臨桑榆安知世  
途上平地多崎嶇及秋余畢姻假滿具板輿終鮮夙抱  
戚冷自歎影孤阿翁五十七大母八十餘阿翁侍大母  
勢難遠離且阿母相隨去顏色慘不舒行者足躑躅居  
者意躊躇爲翁置簞室庶便高堂扶君乃先事謀聘錢  
費青蚨比計翁不忌何況小子與入京越翼歲子亦來  
皇都謁館欣接踵並駕騁天衢太公遷尙寶薇省拜新  
除小阮紹堂捷南宮亦復躡蓬壺同棲接葉亭子女庭  
前臚汝翁我師事蹇步行跕跕趨朝聽曉漏扶掖常余  
需我母汝母事妻妾視如姑四時及八節再拜獻履福

一味必分甘代籌到米蔬通懷固輕財而獨厚於余百

施猶未厭初終罔或渝謂其囊橐充實負簪臺逋其時

寄居者兼有沈

閩山與蘇方潭

晨興論經籍夜博縱撈

捕無花不其賞有酒必相呼卷波喝大白年少意氣麤

酣歌雜謔浪禮法烏能拘未幾侍養歸蹤蹟從此疎不

惜離別苦輾轉多艱虞庚子余渡江服闋京華趨適君

送嫁來邂逅潤州郭金焦兩日遊欲去重躊躇十載乃

大歸復遇於南徐令姪一麾出吳興領郡符余方擬受

塵子亦放舳艫忽然茗雪溪添著兩老夫皇天哀死別

故令暫相於送行且不忍幽明今路殊嗚呼卅年事變

滅同須臾朋交彫替盡觸目堪長吁秋漁化異物閭山

亦云徂方潭近耄耄病癢若朽株隨兒入黔中垂死飢  
來驅讀其告別書三日爲悲歔奈何倉卒間子又歸邱  
墟閣棧萬重險峽江千折迂正月寄書信五月達巴渝  
計我上元札今纔入手初期君開笑顏剖我雙鯉魚何  
圖霜露降已向宿草濡昨朝凶問至中有訣絕書口吟  
兩斷句擦手悟空虛五十有六字一字一驪珠登高西  
向望雙眼淚模糊入門爲位哭薦子以菹鱸此地曾熟  
遊魂其暫來無質直于言詩聊以布區區媿負非一端  
安能罄筆攄

附 雷峯絕句

自恨心源領悟遲廿年得力老來知方期歲月從天

假搽手良緣却在斯

臥疾傳來雙鯉魚相憐同病意何如五旬精力非衰  
朽一代文章待著書

既爲位以哭雷峯連日於邑莫能白釋遂至寢  
疾餘哀未盡口占長句一章

半年書劄寄三回隻字何曾汝見來遠道竟思攜鏡具  
中宵只自畫鑪灰神魂恹恍如相覓疾病侵尋爲一哀  
不用更談齊物論交期還擬續泉臺

紅椒山館圖爲張遠春

興鏞題

天上張公子人間樂事賅衣緇何蘊藉門第本崔嵬汲  
古得其纒采蘭循彼涉兄原陸機俊妹有左芬才遶屋

皆流水名園絕點埃橋橫身窈窕塔臥影徘徊關徑全  
依竹論花始自梅潮聲通戶近峯勢出牆纔暖雨聞魚  
上衝烟看鶴迴琴床桐露拭服製芟霞裁已擅林泉勝  
仍兼騷雅材摹書指畫肚覓句手承顏詞接秦黃脚詩  
投鮑庾胎高情薄霄漢逸思走奇瓌自有鶯啼和奚煩  
鉢響催草生幽夢覺絮起笑顏開圖畫迎陵並本朝陳其年  
有填詞圖家風子野推朋簪聯主客遊屐印莓苔長日消棊  
局深宵覆酒杯此中佳興永記我亦頻來

麗川中丞來松以詩稿見質既加墨而歸之復

題四絕句

詩聲好並政聲清一卷披來趣橫生豈獨滿身仙子骨

疑他毛孔有聰明

黔粵當年宦轍通江山與筆雨清空澧湘蘭茝原無盡  
遍采芳華補國風

于役重洋眼界開三篇傑作壓風雷混沌元氣循環讀

我亦疑航大海迴

集中觀海  
詩最佳

聖主勤民大吏求與民同樂

主同憂昨宵雨舫背城過便有新詩喜麥收



悅親樓詩集卷二十七終

門人顏棟校字

悅親樓詩集卷二十八

起甲寅七月盡乙卯

海寧祝德麟止堂

古今體詩九十二首

題隨園雅集圖

牛腰一束裝池古啓櫝熊熊光照宇鵝溪之絹十丈長  
中有日星河嶽精靈聚誰其作者隨園翁罷官而後爲  
寓公借得清涼山水自結構岡塢柴泝略與王維同偶  
然清暇好風日幾輩招尋集巾屨賓主江山盛一時丹  
靑遂倩龍眠筆圖中五人我乃識其四只有陳生未通  
贊略觀面目便能呼九原不料重相值杖者誰沈歸愚  
釣者誰蔣心餘或含豪而面壁或執卷而結趺翩翩兩

公子似邨

慶蘭

梅岑

陳熙

俱少者十八長者九十三曾孫大

父行輩何懸殊主人膝上無弦琴不攬不醒含悒悒眼

前各得濠濮趣胸中共釀天地心徵詩索序題製皆名

士金薤琳瑯鋪滿紙老師宿儒固不乏下逮香閨好女

子就中彭

芝庭

劉定莊

滋圃

尹端楷

今無錫

梁定

文錢

錢端

文

文敏暨

石侍郎

當世碩輔稱大賢南疆霖雨播闔澤北斗喉

舌司機權吉甫清風周室頌后夔雅樂虞廷宣淵源師

友吾亦叨末契披圖一覽山邱華屋之感增茫然畫時

公年四十九祇今大耋躋中壽部民已盡誰識令尹顏

風月不買莘落才人手桐鄉他日令奉嘗韓愈大名自

不朽期頤壽考論年或過吳下老詩翁廊廟山林相望

剝有梁溪調鼎叟

張憶娘簪花小影臨本爲鄭注題二首卷中詩詞數百

篇皆其手書細楷

青樓小影百年前諸老題辭滿碧牋豈少當時簪紱輩  
幾人名姓尙流傳

鷓鴣吟罷冶情狂輾轉臨摹著筆香此是驚鴻翩若影  
莊嚴空寫十三行

研香貽緯帽賦謝時權松守

自披江上芙蓉服不戀天邊獬廌冠忽見切雲高岌岌  
居然映日采爛爛捧來笑倩旁人整沐罷無庸兩指彈  
戴德此心還望蜀縑衣欲敝改何難

七夕紀事并序

江浙濱海郡縣八九月之交大風挾凍雨折木發屋勢甚猛烈土人謂之風潮最害稼穡六月二十九日松江風潮作凡一晝夜假守汪研香病疴方起明日喜謂僚屬曰方今禾稻木棉俱未實風潮不爲害風潮非瘡疾之比一作未必再作自此當大有年可爲吾民賀聽者唯唯余在座聞之不覺失笑蓋嘉其用志之勤罕譬之妙也越八日風潮又至勢加甚焉屋宇搖撼樹木披靡余墜戶塞竇踞伏其中忽憶前語因作詩一篇旣爲研香解嘲且祝如其言陽侯風伯不復爲厲以幾共享豐亨

之樂六闌

黃姑踏翻銀漢漏織女下機不敢救神烏靈鵲伏窠巢  
嬾駕橋梁縮頸脰飛廉細黠如霜鶴決起盤旋披列宿  
下入龍宮攫龍子鱗鬣齊向天門首焦然各逞闕如力  
聲所未到氣已走驅令四海水盡立併遣八風響竝奏  
鸛鵒欲饗鐘鼓祭狻猊漫作法王吼棟宇搖搖箕筭簪  
窗牖切切齒牙扣不知何故地軸震前日如斯今日又  
轉似人身疢疾作邪氣蹶張正氣收陰陽交戰寒熱生  
坎離相薄冰炭鬪突如其來誠足怖所幸未及西成候  
不聞長吏憫農言疾病之根惡宿留風潮喜夏瘧怕秋  
持久不如發之驟一之爲甚其可再再斯可矣三則繆

地行賤臣再拜告願霽天威降洪祐

哭陳桐山司教

鳳苞

三首

貪夫徇財利鄙夫營祿仕天若巧相借往往中其喜陳  
君欲得者一子一進士願望殊未奢夫豈等貪鄙三戰  
三敗北公車猶不止文乃老斲輪偏奪其所恃科名身  
外物嗣續良難已不孝無後大聖賢示厥旨誰如東門  
吳得喪但一視退之喻孟郊強辭亦奪理君身已斃獨  
分作若敖鬼伯仲季三房承祧共一子皇天胡不仁奄  
忽遽天此傷心痛莫告飲泣至於死人疑鞠凶降隱慝  
由展氏豈知君孝友儕輩莫與比報施理或爽安能究  
終始可憐屬續辰俵俵一妾耳

君司婁縣鐸窮老守寸疆鄰庠諸俊髦問字咸爭先教  
思本根柢不尙文辭妍臧否秉直道鼓舞興羣賢此閒  
老都督樹齋勳閥冠貂蟬延爲弟子師奉若北斗然禮  
文旣恭敬情好加纏綿一朝謝賓席如身失背肩太守  
聞其殂牲醴布奠筵縣令聞其殂賙礎捐俸錢諸生聞  
其殂泣涕皆漣漣歸喪籌水陸續祀商綿延自非君信  
義入人深且堅幾何不秦越旅覩棄道邊誰能蓋棺後  
一誠相周旋

我本羈旅人賦性又拓落賴有二三彥良辰恣笑樂腐  
儒臭味投融洽醞醕酪春游必聯裾秋禡或接屨和余  
長短篇不肖就束縛詩雖未甚工眞氣自磅礴飲酒亦



溫克定力勝狂藥洪鑪點雪花那復計觚爵交游能幾  
輩忽見一个弱豈無斗石藏更誰共斟酌俯聽逝水流  
仰視浮雲薄執紼送君行哀鴻叫寥廓

哭荆桐軒司教

汝翼二首

纔哭桐山淚未乾修文先後召儒官誤投藥石嗟奚挽  
篤信陰陽竟被謾鐫版但畱時藝在貯囊絕少俸錢看  
今年太歲非辰已厄運如何到杏壇

年來兒女傷心事親愛如余痛莫分

君連年喪子女

破涕偶看

參笑語煎膏終見盡芳芬諸生鼓篋悲虛席吾輩琴尊  
悵失羣正是秋風搖落候偏教木葉靜中聞

研香惠漳蘭二首

蕙本蘭之族

蘇句

維公德竝歆自然人服媚況是我同心

臭味何差別風光任淺深雙甕攜贈意珍重抵兼金

已擢新茗密猶披故葉疎拜嘉香國種來自善人居封  
殖敢忘此芳菲終襲予還期歲寒節松茂竹心虛

停

志叢

省試送

志箕

往二首

蓄畬經訓豈求榮優祝逢年且力耕騾馬入行非不好  
鯢鵬得路始長征養根埃實須循序命意修辭在立誠  
似我當初會早達至今一事老無成

衣冠同列魯諸生觀國之光第讓兄楮刻三年功可就  
箭穿七札技難精條條蠟燭憐新泪葉葉春蠶憶舊聲  
姓氏倘邀題淡墨莫將事業看科名

送研香去松江任兼寄寧圃蘇州三首松江其  
再任也

重看松江九點山風流太守舊容顏埽除熊軾蜺旌氣  
跌宕詞場酒壘閒公事雖煩勤易了土風無擾靜方閑  
詠詩聲是州民識燕寢香遙不可攀

官寮同隊逐魚魚每有芳筵必及子罰到百杯猶覺淺  
別經三日便嫌疎名花異果尋常送廩粟庖羞次第臚  
莫說部民思借寇知交先欲挽君祛

一衣帶水到蘇州官返閒曹興轉幽參破天香金粟諦  
賞逢月色玉輪秋留賓倘下洪都榻訪舊還開剡曲舟  
寄語木蘭堂裏客相思如海定知不

得百菊溪書有感於懷却寄二首

與君結交來萬事同休戚昨得數行書對案不能食半  
年畱都丞坐臥未煖席遽遭風木悲天地眼前窄有喪  
當往救凡民且匍匐同官乃爲寮縞紵況夙昔安忍竟  
袖手秦越視肥瘠異趣王孫猿此輩不足責熒熒扶廣  
柳關塞經險阨麻衣積冰霰淚滴渾變赤遼陽千里道  
一一余所歷雖未逐君行艱危略可憶還京安宅兆不  
借范家麥可憐孝子心麋鹿也應識遲徊絮酒闕惆悵  
雲山隔何以寫我心江南望燕北

立身具本末趨走寧詭隨不過不三公誰能屈辛毗終  
喪況禮制報國還有期本其孩提心以作定力持觀

縷書示我字字含酸悲他年當大任明決已可知聖廬  
風日慘何以銷歲時頤園舊遊處草木應變衰却慙哀  
毀餘念我龍鍾羸箇中分大藥關外攜珍奇散人外生  
死江湖隨處嬉烟霞以爲疾風月以爲醫身閑心無事  
未遽溝壑移會面不可必惟當長相思

中秋後一日熱甚

喬柯習撼風未秋已蕭索秋深更零落當晝失遮罽晷  
景漸北移簾櫳爐火逼豈惟褫衣裳自欲厭膚革日較  
伏天紅露從前夜白

讀忠雅堂集追悼心餘前輩

嗚呼蔣侯之死近十年斯人乃僅以詩傳讀其詩者想

風義況我與子曾周旋玉堂後進纔一面再起再聚仍  
歸田

文思聖人呼才子李嶠知遇孰比肩眼看同學致卿相  
命宮所限天無權半生落拓歸講席懸河之口徒瀾翻  
談忠說孝老彌篤急難赴義窮益堅胸中經綸千萬緒  
手無機杼那得穿發揮悉於詩吐露肝膽激烈情纏綿  
珠光照乘自不夜劍氣埋獄長燭天冥搜句法字必響  
研鍊格律甚多寒一空倚傍埽壁壘再加淬厲森戈鋌  
萬斛舟能破險浪九牧金可知神姦翹關扛鼎猛士力  
降龍伏虎金剛拳薛孤延稍霹靂避狄虜彌櫓車輪懸  
入木三分愛沈著吸江一口恣吐吞雖乏洞簫音嫋嫋

時聞雷鼓聲蕭蕭何受退之苦束縛稍嫌山谷相牽纏  
此人在世若無用此集傳後人爭看高名袁趙稱伯仲  
未知牛耳誰居先我今淪老寄江表寂寞甘守王家壺  
秋牕展讀閱旬日不覺掩卷還三歎名位出處略髣髴  
眉山何必非香山只愁千秋著述業欲換凡骨無金丹

寄研香

木葉謝庭枝秋風颯颯吹那堪搖落候正值別離時分  
手亦不覺斷腸方自知只應一輪月天際照相思

題王夷田

舒華

濯足圖

兩片芒屨手自提滄浪興到狎鳬鷺丈夫立脚須堅定  
不著人間一點泥

荅約軒見寄二首

約軒又號木翁

我有忘年友飛揚韋木翁好論天下事力繼古人風骨

鍊冰霜裏官迷踐歷中

翁一爲巡撫藩臬內則翰詹祭酒等無不周歷且有再任者

今又改京堂年且七十五矣

歲星何處覓

同大王公

送我歸田日臨分各黯然夢回猶見汝書到已經年臭味關同類詩文得正傳長吟寄懷句離索只相憐

九日無菊亦不登高鼓琴自遣

此生知有幾重陽獨掩柴扉尙異鄉幸免催租人敗興絕無擔酒吏分將屏山雨後空飛翠籬菊霜前未坼黃一曲清商鳴大蜨雁聲遙和兩三行

雜詩五首



行己守以誠避礙通諸理立誠在無妄近理不嫌詭處  
經兼達權心安卽理是徑情而直行不得於妻子火光  
燭一室月光光照萬里月固不勝火所及有窮爾秉燭察  
秋毫月窮火足恃小大用不同要以明爲體六經不易  
讀入手中庸始滅燭待月光何異黎邱鬼

東鄰有少婦貌在可否閒偶然心惑之施嬖遜其妍短  
長旣中度肥瘦亦停勻尋常一顰笑嫵媚皆可憐聞聲  
若鶯燕顧影驚神仙倘令薦枕席彼姝殆庶焉一朝悔  
心生慧劍斬孽緣驅車過其門目不加流連粉澤覺汚  
膩袷服非光鮮何嘗改態度依舊此容顏靈臺一以正  
遂超色界天始知六欲事耳目初無權却怪趙清獻絕

愆苦不堅竟奉父母像鑒臨幃帳懸

錢刀能通神多藏亦賈福俗者用之俗雅者用之雅子  
輿辨禮義萬鍾等土土所識得我與不爲窮乏者豈期  
世遞降并此諒已寡睦婣任恤風未聞講里社駟兒歲  
主進一毛不肖捨惛獨滿目前空歌富人哿下士偶聞  
道窮老在草野焚香叩祝天臣願陳瓊瓊不願郭況穴  
不願鄧通冶不願子孫遺不願服食夥學范立義莊學  
杜構廣廈但凡臣所須應念輒助我謀財不爲身天其  
有許可籲請歷三載精誠達靈璫中宵緋衣神冉冉雲  
中下云持上帝命責汝志願左避雅而趨俗錢性本然  
也與汝無宿緣安能強攬摭榮達或可求此物不能假

邀利以爲名厥罪在不赦叶視女列甕齋營女口腹且  
人賤覺我貴人愚覺我賢貴豈在軒冕賢豈謀一身國  
家設庶職司牧尤親民所期利濟物勤奉德意宣譬如  
善醫者導養未病先偶然中寒暑攻洩救其偏聖人平  
治理六籍詳哉言後世或反之以官爲利源操縱恣黠  
吏腹削媚上官愚賤所不爲爲之夢寐安翻疑聖賢語  
迂闊不足遵官誨固可畏天道亦好還去者已得罪來  
者宜改弦

先王崇四術造士各有司春秋教禮樂冬夏教書詩九  
年乃大成新明植其基莅官不廢學學仕仍相資宋儒  
尚實踐淵源猶未墮鵝湖及鹿洞教法垂良規兩齋安

定勝經通事亦治歸讀霍光傳懼爲有識嗤後世學漸  
偷羣習俳優詞學術驚功名大儒且不爲每下志科第  
所志良已卑俳優并未工汲汲求人知暮伏青燈案朝  
登白玉墀水到魚白行方平其我欺師道亦甚濫隨俗  
指授之佔畢句讀閒已盡周孔遺昌黎縱復作抗顏難  
爲師我亦邨夫子對之增忸怩

讀宋史三首

君子與小人氣類畫然隔陰陽道既殊消長理難測廟  
堂無事時鼠輩覬恩澤不過保富貴遂與正人敵正每  
弗勝邪排斥不遺力小者困貶徙大者遭竄殛不去不  
肯休去盡然後悅一螟害百禾黨援漸聚慝人主甘鳩

毒生民苦殘賊恆思有神叢枯亾在一擲傾危到大厦  
殃禍及宗祏事勢不可爲君子起受責猶然掣其肘百  
計相徵纏小人享祿利君子任艱危其濟君之靈不濟  
則死國徒成忠烈名國事究何益祖宗養人材蹈藉不  
知惜空令尙論人千載長太息

奸臣宋最多名臣亦接武景德訖咸淳無代無凶豎鄙  
夫不足責城狐鬬社鼠賢者豈相厄天日照肺腑極盛  
康慶朝濟濟羣賢聚韓范富歐陽相率登二府中書議  
事時不無小齟齬下堂一執手和氣生栩栩彥國居洛  
陽魏公念舊侶饋問歲不絕荅語遭倨侮柰何赴告至  
弔翼闕厄醕此老亦褊衷母乃善藏怒至於洛蜀黨誦

法皆鄒魯顯操同室戈攻訐義奚取乃知清流弊肇覺  
自門戶七十子之徒卓哉懸萬古

子才恕侂胄心餘美安石略迹原其心詩文各解釋復  
讎固美事亦須視勢力寧有病瘵軀下藥用攻擊南園  
占西湖作記累指摘必將放翁揚豈合誠齋抑徒因四  
夫人捧觴壽上客君謂彼好賢吾謂君好色荆公非權  
奸作事太剛愎誤讀官禮書妄挾管商策任其拗執性  
志在必行亟詬賢遂水火羣小戛羽翼流毒徧生民釀  
禍及家國相業怨庸人春秋賢者責不聞少正卯孔子  
所必殛試問青苗法後世可行得蔣詩有後來十九遵  
遺法功罪如何請細  
思之文人好翻案偏斷類寡識論世貴知人斯民三代

直

夢樓於僂面書所製蓉城詩貺示跋云止堂乃  
所謂烏府先生鐵作肝者柔情正復不淺故書  
此以寄偶檢舊篋得之戲作長句以荅

能描眉撫張京兆善賦梅花宋廣平莫以偷桃疑曼倩  
轉將抱柱笑微生由來義膽忠肝事都出溫香軟玉情  
媿我多生餘結習敢從鐵裏說錚錚

次韻荅姬傳見懷二首時姬傳掌教鍾山書院  
拔脚紅塵二十年自移書畫米家船生徒弦誦四時悅  
文藻江山六代妍說有聲華爭御李出何經典或嘲邊  
傷心野鶴閑毛羽君滯淮堧我海堧

九州四海偶同年，氣詒還如共濟船。  
陋質自甘輸眾婢，孤芳君本掩羣妍。  
隨身卷軸烟霞裏，回首冠裳日月邊。  
莫恨萬重蓬島隔，三山只在鷺洲堧。

旋里埽墓

歸田第一關心事，時節瀧岡薦薌香。  
桑梓有情常戀戀，松楸無恙自行行。  
蘆汀地好雲兼水，稻壟秋成綠間黃。  
悵我身同華表鶴，一年再到祇情傷。

舟中雜詩六首

一放空明眼，沿流景趣長。  
蘆花空淡月，柏葉喜新霜。  
天地有古色，詩人無俗腸。  
此中含畫意，正好著帆檣。  
浩蕩漁家樂，秋光占特多。  
荷枯千柄截，菱敗一繩拖。  
下



穆招魚聚板罾避鰈過蠻翁換酒返銅斗拍肩歌  
最是西成候農家笑語恬禾頭齊縛把人力盡腰鎌擔  
去禽開翅堆來塔合尖村村香飯甕我亦食新甜  
接壤桑栽密陰濃夏日天千林無雜樹萬稜宿寒烟將  
葉紛於薜刪條禿似拳蠶爨梅雨候辛苦貢吳綿  
言過王店鎮重弔曝書亭詩好由經術人亾尙典刑池  
臺已蕪沒卷軸更飄零繡鴨灘前水長流入遠汀

曾記劉文正高談硤石雄青邱句法古函谷地名同孤

塔夕陽外雙巒朝爽中沈蘆與浮石搜訪意何窮

諸城劉文

正公嘗謂余生平遊歷多矣貴鄉硤石鎮乃  
仙境也蘆能沈石能浮是處所產見州乘

舟行遇大霧

似雨溟濛歇非烟澹蕩迴雞鳴知屋近人語覺船來草  
樹千重失乾坤一氣該東輪紅日上漸有曉光開

夜聞吳歌二首

蘼汀蘆港月明中傍枕飄來嫋嫋風驀地一聲斜曳去  
知他轉過板橋東

忽似啼猿似洞簫霜篷烟水正迢迢吳淞江上丹楓落  
幽夢初回酒半消

塔射園主人張遜亭夢喈挽詞

溪上芙蓉爛漫開此翁忽已返蓬萊舞來仙鶴衣原編  
吟到青松響亦哀四壁閒猶黏翰墨五旬前共酌尊罍  
從今獨抱瑤琴去清泪唯應漬綠苔

過二陸祠堂感賦

南風烈烈吹白沙王室蠢蠢蟠龍蛇司馬家兒是底物  
官私只解談蝦蟆八王骨肉相屠戮朝倫暮問更朝局  
機雲乃是羈旅臣何必偏師來作督傾心攀附成都王  
稱兵向闕犯不祥河橋對壘者天子敢以射肩學鄭莊  
倉黃兵敗起讒慝全濟之恩難再得華亭鶴唳那復聞  
崑山玉碎都無色君不見嵇侍中臨危登輦不去側御  
衣血濺朝璫紅又不見張季鷹見幾而作不終日蓴羹  
菰菜秋風情

四皓

商山之芝西山蕨黃綺孤高似秋月羸顛劉起了不聞

汲汲肯爲太子出張良爾作帝者師陛下家事應扶持  
山人未可金帛餌乃聽役使如小兒廣廷置酒大開宴  
褒衣峨冠隨上殿漢皇驚顧羽翼成頓使易儲心立變  
千門萬戶長樂宮禮樂初定叔孫通不比貧家畱客饌  
婦女亾狀窺簾櫳鬢眉飄飄去未遠夫人已到無迴緩  
飛鴻親手爲指示四箇老翁猶在眼楚歌楚舞相酬荅  
淚珠濺透龍袍溼豈無執戟陞楯郎目笑君王與嬖妾  
盡信書不如無書巢由下拜理或誣鐵厓求其說不得  
謂是叔敖優孟徒

虬髯客

赤隄風警隋失鹿東都西夏爭馳逐已知天命屬虬髯

一髻纔起一髻伏太原王氣高崔嵬逆旅物色潛身來  
龍髯髮鬚鼠髯磔一見瑟縮心腸摧汾陽橋邊何道士  
眼中亦識真天子殘棋一局慘然收謂曰吾屬可去矣  
麟閣何能圖我形箕山何必埋我名飄然攜手若電逝  
茫茫大海波濤橫中原已成唐世界別有乾坤九州外  
彼哉劉文靖靜李靖皆庸流誰其知者惟一妹

門人和泰庵自西藏見余所寄徐玉厓七言古  
詩一篇次韻郵致因荅二律

我因選佛名經得君到西天佛子家奉使漫援張博望  
談禪長對八思巴

今改譯爲帕克斯  
巴謂達賴喇嘛

聖朝柔遠威稜

憺知己聯吟妙句誇

謂和希齋司空

早晚節麾膺

特召江南

棠樹待栽花

來詩結句云何當化作花開蝶  
逡巡江南廿四風故預期之

有客攜囊手爲開其中幅幅盡鴻裁云叨台鼎羣公贈

新自華嚴法界來意氣向人自矜寵旁觀如我亦驚猜

豈期萬里投珠玉佳話今堪敵子才

春間隨園老人來  
松見示福孫兩相

國和惠兩尙書自西藏  
所寄各詩已裝潢成冊

### 荅玉厓

孔翠影纓鶴髮垂關山車馬正驅馳地當蕃漢中分處  
官是功名兩就時苦念衰遲頻遣信那言離索不增悲  
抵他多少殷勤語萬里橋邊一首詩

### 贈太子太師大學士嵇文恭公挽詞四章

苦說歸期竟不歸中台星乍坼光輝世家宰相韋賢重

三策河渠賈讓希對客不談温室樹退朝常典只孫衣  
莫嗤伴食盧懷慎已有姚崇秉事機

六十餘年寵遇隆

帝呼老伴挽留工獨乘輿轎穿城紫重赴瓊林啖餅紅  
知已一難逢

聖主達尊三本壓羣公底須骸骨殷勤乞 恩賜陁羅

爲飾終

陁羅經被也襴禮之最重者

老圃黃花晚節榮潞公齒髮魏公名資深久已無同輩  
道廣偏宜近後生書仿誠懸心必正相如叔服術尤精  
每從夢寐思風采猶似祥和善氣迎

寸木岑樓詎可齊論交略分不嫌低冑容牀下梁松拜

深荷舟中郭泰攜

庚子春公扈從

南巡余赴揚州載筆

邠忘隨史館

余直三通館公爲總裁

卜居曾記傷沙隄絕憐送我

歸田日執手臨分意慘悽

### 題嚴四香秋林覓句圖

佇立苔蹊意渺然疎林蕭瑟散蒼烟前身莫是崔黃葉  
詩在秋聲何處邊

### 春風

習習披枝軟融融拂面和春風無限好只恨落花多

### 舟夜

把琰因邀月停艫爲候潮鄰舟寂無語何處巧吹簫

### 簡齋前輩八十壽詩四首



蓬萊仙路早通津三十辭官爲養親  
白下有緣畱令尹  
青山何幸住詩人  
收回簿領叢中手  
幻出烟霞物外身  
一箇隨園邱壑闢轉於閒處見經綸

只欠銀河未泛槎  
名山踏遍海天涯  
巍科魯殿無同輩  
活計秦樓有好花  
亦黠亦癡偏入俗  
不仙不佛自成家  
山林翻屈公卿拜  
槐棘封圻底足誇

晚年文望更誰同  
餘論元暉齒頰工  
四海關心霜鬢鶴  
萬場畱爪雪泥鴻  
倭人願識蕭夫子  
鄭婢能吟衛國風  
最是門牆生面別  
姬姜都入藥籠中

風襟月袖玉精神  
遊戲塵寰百福臻  
八袞華筵逢國  
慶十篇清句數家珍  
有自壽詩十首  
遲生兒到牽絲夕  
偕老圖

看結髮人

選館後乞假歸娶曾作圖

新婦調羹來獻壽畫堂何處不

饒春

遲郎昏期卽翁壽辰也

臺灣紀功詩爲睂峯親家作

書生上馬能擊賊不必平時在  
金革流俗動以儒爲戲  
謂尠軍功出文墨不見汀州沈  
郡丞手無縛雞半絲力  
勘工畢擬汎歸槎彰化城中一  
過客夜半賊發如蜂蟻  
斫吏早探丸赤黑文武駢頸膏  
賊鋒竄竄鑿齒遍充斥  
君時旅館夢初醒性命危於縶  
邊荻旣非封疆守土臣  
又非戎幕參軍職草檄并無補  
可磨運籌那有箸堪借  
身雖爲客終是官敢以秦越視  
肥瘠暗中號召集義民  
頃刻萬千成羽翼賊方椎牛大  
饗宴劫庫燒倉紛指畫

忽訝神兵降自天  
野鼠抱頭四竄匿  
登陴籲眾守迺固  
馳牒乞師援漸益  
乘其不備搗穴巢  
唾手孫盧已禽得  
稍緩須臾勢滋蔓  
誰能滅此方朝食  
大官具事達宸

宸天子非常喜動色

詔賜修翎擢一階  
畀以重洋千里

域君昔薇垣老橐  
筆晏嬰長不滿六尺  
胸中竟有兵甲

藏賢者所爲固不測之邦  
自昔居化外顏

思齊鄭成功劉

朱貴

一踵肆迨負險竊據井底龍

聖代威棱罔不克遂

編郡縣隸版宇耕鑿日繁  
田野闢近來醜類偶伏莽不

直亘靈掌一蹠

福公平林爽文事

雖云頑犢性自成未必滄瀛

教便隔是惟有司善撫馭  
姦究銷萌天彰格殺戮以

立聲威恩信何難安反側貽興行變仁風柔鯢鯨亦沐  
恩波適生熟番同享太平南北社只供徭役三年報最  
時蹄來催放鹿仔港口舶

賀眉峯 賞戴花翎

爲儀 國典武功旌豈料儒冠沐此榮已恐雪霜彫綠  
鬢忽看翡翠耀朱纓舉頭 恩抵邱山重顧影身疑毛  
羽輕我戴漁師青箬笠車前相揖可寒盟

楊廉夫墓 墓在干山

天馬峯前墓草荒干將寶氣未全藏寓公興有神仙目  
客婦謠無薇蕨香鐵笛梅花吹縹緲銅琶樂府剩悲涼  
史裁孰定千秋論正統猶能續紫陽

袁景文墓

天子何須讎匹夫騎牛盡

子忍切

可放狂奴聞身化作周

蝴蝶好句吟成鄭鵠鵠文苑傳中封事在華亭郭外墓  
田蕪梅花竹葉清如許不見烏巾背戴圖

方文正公祠

狄青不作梁公孫愈斌甘爲希直後華亭遂有正學祠  
金陵寧海同尊由憶昔燕師初起日齊黃誤國禍之首  
先生亦非戡亂才贊畫廟謨誰執咎特其貞烈不可沒  
臨危授命免母苟六宮旣已痛燔燔赤族同回草詔手  
叩頭乞哀載寶錄意欲爲君掩其醜 聖朝直筆出南  
董正史煌煌削穢垢從來神器不輕屬立長立賢前代

有孱孫弱幹壓強枝一卷檀弓例奚取昧權泥古召禍  
釁坐使忠良遘陽九讀書種子竟何存天下大師終不  
負祠堂松柏傍縣解郡人時亦薦脯酒公孫趙武爾爲  
誰烏有先生亡是叟

小赤壁

昔披思翁圖滿紙烟雲濃謂是九峯外爭長別有峯單  
椒表秀澤一朵紅芙蓉旣入畫家筆足支詩客筇鼓枻  
試訪之所見乖素胸九峯已培塿此特其附庸山形如  
覆釜誰家馬鬣封遍身丁頭皴刻露斤斧鋒童然無寸  
草安論樅栝松不見蘊藉態亦少渥丹容黃州我未到  
赤壁無由逢當時命名意不知何所從老坡倘來此未

必攀虬龍丹青聊戲耳一笑迴孤卿

題廖刺史

景明

雙清圖

令人俗可居無竹待鳳棲知院有桐記得當初曾領略  
掖垣西畔玉堂東

挽茗槎學士六首

逝矣延陵子風流自此休文能一戰霸

由大考高  
等擢今職

才是

幾生修名姓同朱說

君凡三  
易名

肝腸近賈彪頭廳槐蔭下

太息遍朋儔

往事分明在回思夢境遙出城投一飯借榻話終宵

同官

京師日君居內城每出城謁客必  
過余飯余有事城中往往借宿焉

好寫詩增價

嘗爲余  
手錄詩

稿聯吟句奪標朝衫曾共著雖故未香消

每引對必  
借余衣

三度銜 恩命掄材玉尺持冬烘誰敢誚夏莊久相資  
豈料求賢榜翻成沒字碑枯桐亦蕭索不得暢孫枝君典

問試李  
於途

自我歸田後談經泖水隈恰當君故里喜有札頻來滿  
擬仙槎返相逢笑口開誰知雙老淚先爲灑泉臺

莫說漁梁驛星軺我舊過灘程皆險惡山勢太巍峩緬  
邈仙霞嶺淒涼薤露歌孤兒扶柳嬰風色慘如何

去夏文通喪

江太  
守琅

今秋若水殂

錢侍  
御澧

及門餘幾個別路

只須呖涕泪天涯盡行藏吾道孤傳聞猶惻愴況復睹

靈塗

蒲團宴坐圖二首



有優婆塞任情播弄身外尋身夢中說夢名場利藪方寸內闕便出了家鑽頭沒縫

脚力既疲跣趺半結曰澄必水曰明唯月營營擾擾何地可歇燒却蒲團此心是佛

贈陳辰州桂堂卽題其古華詩鈔後

與君同登白玉堂論詩說賦何洋洋天庭揆藻授筆札嚴徐東馬相低昂與君握別青門道一入五湖波浩浩却聞熊軾指沅陵賣劍買牛政績好丈夫出處難意料窮通得喪任所遭攬環結珮不可得相思雲水空迢遙情知健翮陵風舉忽漫麻衣歸故土君來訪我白龍潭我亦尋君黃歇浦開囊出示冰雪篇木石鐫刻紛流傳

灤京魯嶽舊游歷三湘二酉新沿緣槃槃大才孤美具

豈獨四山申景慕

君有四山詩屋指子山香山義山眉山言平生宗法在此也

直把

靈均哀怨音化爲謝朓驚人句自君去官失福星苗民  
逆命興甲兵平賊復勞馬新息分憂未賦元春陵人爲  
君幸我爲惜惜不軍門參贊畫從古才人奇傑詩都於  
鼙鼓聲中得君言報國願雖深爭奈萱闈老病侵已  
懷李密陳情表難激劉琨起舞心勸君絜膳安初服忠  
孝焉能兩俱足且當濡筆聽饒歌共和白狼朱鷺曲

同年孫心時侍講攜眷僑寓松江喜贈

丈夫建樹何錄錄世儒只解重科目果然科目能重人  
我與孫郎奚不足當年先後歌鹿鳴我齡十九君十六

君庚午舉於鄉擊爲海外鯢鵬圖化豈管端螺贏速褒然君領

南宮薦我亦慈恩附芳躅人閒有此寧馨兒致身富貴

何須卜誰知終老五品官接武歸來伴巖谷就中生涯

我夏拙舟居無水陸無屋泛宅聊同張志和授徒但學

孫明復却埽蹤稀今舊雨落葉聲中聞剝啄開門捉手

乃是君謂亦移家烏擇木君本豐厚美田園近且營求

到飢粥片席偶割黃山雲

君掌教天都

一塵已失西湖淥豈

天憐我太岑寂特遣君來相角逐華亭鶴共聽清唳淞

江鱸同垂釣竹流寓傳中乃得雙旂遊筵上弗憂獨回

思同年二百輩人少鬼多堪一哭天庭固是豔簪裾地

獄非無悲桎梏如君好成靈運佛似我亦享寒翁福往

來二老足風流三泖之濱九峯麓歲暮矣澤堅腹朔  
風砭人寒起粟不嫌酒薄供給且可勤來餐苜蓿

許秋巖太守招同心蔣侍講蕭省齋編修王荔  
亭郡守張午橋庶常集海石堂皆詞館舊遊也  
江鄉勝會良非偶然紀之以詩

官齋銀燭照華筵不減春明把臂年三島烟霞天上夢  
九峯雲水客中緣蘭纒蕙帶差無襍楚語吳音各自便  
坐到夜闌相視笑冰銜還挂阿兄顙

令兄香巖在坐  
亦曾受翰林封

秋巖調任江寧臨去以問農圖索題二首

明農宰相事勸農太守實勸農良吏心裕農

聖主德君家漢水陽農稱樂國雲土夢作又沃野日

益闢一熟天下足

蘇軾云關廣熟天下足

四海皆仰食三吳種稻鄉

松江廣鑿施元時設提領用以司賦額廣田上上錯畝可二三石自從使君來襦袴家家得織且弗慮偷安敢曠阡陌不勞長吏問民自知力穡願官作歌詩相與頌帝力

我非田舍郎目不識麥稻一自抽簪歸荷鋤習耘耔使君欲有問不必老農吟識字耕田夫頗亦究所以作苦雖不同官農無二理權以仁心苗灌以廉泉水扶善如培新除惡若去靴和風兼化南披瀝日無已積久享其成收穫逾億秬杜陵構廣廩不費輸般指白傳製大裘亦朱刀尺使善欲寬此無益遺棄將子毋多言官

已會厥旨泐之水洋洋惜哉官去矣

題蓬心爲朱明東所作湖山草堂圖三首

吳洞庭通楚洞庭乾坤水府闢冥冥兩邊湖上烟嵐色  
都入詩人袖底青

家住包山縹緲尖草堂又傍岳陽添堂成只恐湘君笑  
笑道先生太不廉

湖山如此畫誰能不是耕烟畝不勝一別王髯逾廿載  
畫中猶識筆嶮嶮

彈琴

指下無宮商弦閒無按抑欲彈太古音世上何人識

玉厓枉書兼寄新刻遺答三律末章懷秦庵西

藏

元亨多寂寞歲暮孰華子每有成都使來尋甫里居雙

金廉吏傳一紙故人書此段殷勤意我當求古初

三年已來

每歲暮必得君書并  
指以白金意良可感

歷盡兵戎境功成事已傳文章餘結習軍旅出新編憶

慨高常侍春容白樂天歲寒聞好詔歸計誓清泉

來書有退

歸之志云清泉  
白石實聞斯言

亦有薇垣客三年佛土願書郵長不達詩侶定誰酬使

命無中外諸番待撫棠雪來兼柳往何日大刀頭

悅親樓詩集卷二十八終

明袁路先校字